

ВКП(б)-нын' XVIII-чи  
БАСТЫРАСОЮЗНЫЙ  
КОНФЕРЕНЦИЯЗЫНЫН'  
РЕЗОЛЮЦИЯЛАРЫ



ОЙРОТ ОБЛАСТІЗДАТ  
г. Ойрот-Тура  
1941

Ой.102

Зкп  
р 34.

*Бастыра ороондордын' пролетарийлери, бириклегер!*

ВКП(б)-нын' XVIII-чи  
БАСТЫРАСОЮЗНЫЙ  
КОНФЕРЕНЦИЯЗЫНЫН'  
РЕЗОЛЮЦИЯЛАРЫ

15—20 февральда 1941 дь.




Горно-Алтайская Область  
• БИБЛИОТЕКА •

ОЙРОТСКИЙ ОБЛАСТЫН'  
НАЦИОНАЛЬНЫЙ ИЗДАТЕЛЬСТВОЗЫ  
г. Ойрот-Тура  
1941



## БАЖАЛЫКТАРЫ

Промышленностьто ло транспортто парторганизациялардын задачалары керегинде. <i>Нёк. Маленковтын доклады айыпча ВКП(б)-нын XVIII-чи Бастырасоюзный конференциязы дьарадыт алган резолюция</i> . . . . .	3
I. Промышленностьтын ла транспорттын ижинде дьенюлер ле дьедикпестер . . . . .	3
II. Наркоматтардын ла парторганизациялардын промышленностьто ло транспортто иштеринин дьедикпестеринин шьл-тактары . . . . .	5
III. Промышленностьто ло транспортто парторганизациялардын хозяйственно-политический задачалары . . . . .	7
IV. Парторганизациялардын промышленностьто ло транспортто организационный задачалары . . . . .	13
1940 дьылдын хозяйственный итогтары ла 1941 дьылда СССР-де албаты-хозяйствозы ёзёринин планы. <i>Нёк. Вознесенскийдин доклады айыпча ВКП(б)-нын XVIII-чи Бастырасоюзный конференциязынын дьарадыт алган резолюциязы</i> . . . . .	17
I. 1940 дьылдын итогтары . . . . .	17
II. 1941 дьылга хозяйственный план . . . . .	19
ВКП(б) тёс органдарын дьян'ырттары керегинде. <i>Шююжер керектердин 3-чи пункты (организационный сурактар) айыпча резолюция</i> . . . . .	22





# ПРОМЫШЛЕННОСТЬТО ЛО ТРАНСПОРТТО ПАРТОРГАНИЗАЦИЯЛАРДЫН ЗАДАЧАЛАРЫ КЕРЕГИНДЕ

*Нёк. Маленковтын' доклады айыынча ВКП(б)-нын' XVIII-чи  
Бастырасоюзный конференциязы дьаралыт алган  
резолуция*

## 1.

### Промышленностьтын ла транспорттын ижинде дьенюлер ле дьедикпестер

ВКП(б)-нын Бастырасоюзный XVIII конференциязы, 1940 дьылда Советский Союзтын промышленнозы ла транспортты ючинчи бешдылдыктын планын бюдюрер керегинде чик дьок ичкери барганын, производствонун кемдьюзи кёдюрилгенин, албатынын хозяйствозынын ла СССР-дин коруланар ийде-кючин онон ары тыгыдарын дьеткилдегенин тем-дектеп туру.

1940 дьылда социалистический промышленностьтын продукциязын 1939 дьылга тюндеп кёргёжин, 11 процентке кёптёгён, онын ортозында 1940 дьылда промышленный производствонун ёзюминин тебюлери дьаантайын ёзюп тургандар.

Промышленностьтын эн керектю кёп бёлюктеринин ижи, анчадала 1940 дьылдын экинчи дьарымында дьарана берди. Таш кёмюрди иштеп алары чик дьок ёскён. Чойды, болотты кайылтары, прокат эдери ёскён. онын ортозында квалицированный машиностроениенин ле коруланарынын промышленнозынын керектерине барып турган ағылу марканын болотторын ла качеству прокатты иштеп чыгарары, анчадала чик дьок кёптёгён. Онойып ок ёндю металлургия, анчадала дьес ле алюминия чыгарар дьанынан ижин бир канча дьарандырып алды. 1940 дьылда машина дьазаар промышленность дьаны бюдюмдю сложный машиналарды ла дьаны конструкциянын станокторын онон ары билип туза-



ланар керектерде дьенюлерге дьединди. Коруланарынын Наркоматтарынын промышленный продукциязынын ёзюми 1940 дьылда бастыра промышленностьтордын продукциялардын ёзюминин тебюзине кёрё, чик дьок ажыра ёскён.

Дьяны техниканы тузаланганы ла коруланарынын промышленнозынын ёзюминин шылтуунда, Кызыл Черю ле Военно-Морской Флот бу ёйдёги вооружениенин дьяны дьюзюн-дьююр технический дьепсенгени чик дьок кёдюриле берди.

Текстильный, дьенил база курсак эдер промышленностьтор бойларынын иштерин бир канча Дьярандырып алгандар.

Темир долдорло, суула немелер тартарынын ёзюми, албаты-хозяйствозынын эн керектю бёлюктерине топливонь, руданы, металлды, агашты ла ёскё дё бюджетю сырьёны ла материалдарды берерин дьеткилдеген.

1940 дьылдын экинчи дьярымында промышленностьтын ла транспорттын ижин дьярандырар керектерде иштин дисциплиназын тыгыдар, иштеер кюнди сегис час эдерине кёчёр, иштеер дьети кюндю недеlege кёчёр керегинде партиянын ла башкарунын мероприятиелери дьяан учурлу болды.

Бу мероприятиелердин шылтуунда иштин арбыны ёзюп, предприятияелерде иш дисциплиназы тыгыды.

ВКП(б)-нын Бастырасоюзный XVIII конференциязы, промышленностьтордын ла транспорттын ижинде дьенюлерге коштой онойып ок дьяан дьедикпестери бар деп, бодоп туру.

Промышленностьтын кёп бёлюктери, анчадала паровоз ло вагон эдери, электропромышленность, агаштын, чаазыннын, балыктын ла стройматериалдардын промышленностьторы сондоп, производственный пландарын бюджетбей дьат. Нефтьтин промышленнозы 1940 дьылда IV кварталда бойынын ижин темдектю дьярандырган да болзо, 1940 дьылдын планын бюджетрип болбогон. Баягы бойынын ижин бюткюлинче дьярандырып алган да промышленностьтын бёлюктеринде, ол тоодо дьяан да бёлюктеринде узак ёйдё сондогон кёп предприятияелер де бар болуп дьат.

Промышленностьтын кёп бёлюктери дьяны производственный ийде-кючти бойынын ёйинде ишке кийдирбей дьат.

Промышленностьтын кёп бёлюктеринде материалдарды, сырьёны, топливонь, электроэнергиени ажыра дьяан чыгымдаган кёп брактардан оног до ёскё ээзидий болбой чыгымдаган шылтуунда промышленный продукциянын бойынын



турар баазын дьабызадар планды бюдюрбеген. Анчадала бу промышленностьтын нефть, агаш, чаазын база стройматериалдардын бѐлюктерине келижип дьат.

1940 дьылда электростанциялардын ижи дьаранган да болзо, электростанцияларда, анчадала электросетьтерде технический персоналдар дьалдьыр болгонынан технический иштедер ээжини кѐрбѐй турганынан улам, мынча кѐп тоолу дьаан авариялар болуп туру. Дьаны техниканы тѐзѐгѐ эдинери бийик давление ле буунын бийик температуразына кѐчѐчи, агрегаттарды башкараын автоматизировать эдери, бу ѐйдѐги электричестводон тюрген коруланар корузын тузаланары—араай база дьеткил эмес кемдьюде ѐдюп дьат.

Транспорттын ижинде ондый ок дьаан дьедикпестер бар. Темир дьолдын транспорттында вагондордын эбирилип келер эдип тургускан норманы бюдюрбей турулар, эмдиге дьетире авария кѐп бойынча. Кѐп темир дьолдор эн керектю грузтарды тартып турганы коомой, пассажирский движение ни дьакшы тѐзѐп албаган, поездтердин оройтып турарын дьоголтпогондор.

Талайдын ла суунын транспорттында, порттордо ло пристаньдарда немени аткарып ла тьюжюрип алып турар ишти коомой тѐзѐп алган, судналардын дьюрюп турганын тѐзѐринде дьедикпестер бар болот, флотты технический дьанынан тузаланар правиланы бузуп турганы кѐп тоолу болуп, онон улам керептер дьаантайын стройдон чыгып, навигация тужунда ремонтто туруп дьат.

Темир дьолдын станциялардын, порттордын ла пристаньдардын ижинде чокумду колбу дьок, онызы кѐп тоннажтар ла подвижный составтар кыймык дьогына куру турарына, ажулардын пунктарда грузтарты узак тударына экет-

## II.

### **Наркоматтардын ла парторганизациялардын промышленностьто ло транспортто иштеринин дьедикпестердин шылтактары**

ВКП(б)-нын Бастырасоюзный XVIII конференциязы, промышленностьтын кѐп бѐлюктеринде иш коомой болуп турганы эн озо мындылардан деп бодоп туру:

а) наркоматтар бойлорынын иштерин кѐбизинде чимеркелдю ѐткюргилеп дьат, кажыла танынан предпрятиеге



эмдиге дьетири дьеткилебей, бойларынын предпритиелерин „башкарын“ чокумду эмес, калай, чаазын бичик ажыра бюджетилеп тургылайт;

б) наркоматтар бойларынын решениелерин предпритиелердин директорлары бюджет турганын шиндеп кьргилебей, ондый болгоны керегинде бойларынын башкара иштерин коллегилердин' заседаниелерин эдип, решениелер чыгарып турганыла кемдыгилеп дьадылар, решениени дьарадып алып турганы ол решение бойыла болуп артарына эмес, оны бюджетерге дьарадып алганын билбейдилер, база иштин эн керектужи заседаниеле эдер база решение дьарадып турар иш эмес, бу решениенин бюджет турганын кюнюн ле шиндеери болгонын билбейдилер;

в) дьербойынын партийный кьп организациялары, бойынын облазында, городында, районында предпритиелерге болужар ордына, промышленностьо ло онойып ок транспортто, оло промышленностьын ла транспорттын ижи учун карузына турбазыбыс деп, дьастыра шюкюнп, бойларынын иштерин уядаткандар;

г) дьербойынын парторганизациялары онойып ок хозяйственный организациялар чылап ок, бюджетинди шиндеер санааны ла учурин билгилебей дьадылар, мынан улам, Наркоматтардын решениезин, олодын колына берилген предпритиелердин' директорлары бюджет турганын кюнюн ле шиндеерин тургузып аларга наркоматтарга ла главкаларга болужып тургандары дьок.

Партиянын кезик обкомдоры, дьуртхозяйство иштерин, дьуртхозяйственный продукталарды белендеер керектерди башкарып, промышленностьтордо ло транспортто ишти артырып салгандар, бойынын облазында, городында, районында заводтордын, фабрикттердин, шахталардын, рудниктердин, темир дьолдордын ижи учун бойынын карузына турар иштери керегинде, промышленностько ло транспортко кыялта дьоктон бойынын эн дьаан адьарузын салатаны керегинде ундып салгандар, партийнын горкомдоры дезе, бу керекти иштегилебейт, сондоп турган предпритиелердин ле темир дьолдордын иштерин дьарандыарын кичеегилебей турглайт.

Партиянын горкомдоры ла обкомдоры, фабрикттердин, заводтордын, темир дьолдын керектерине кирижер ордына, промышленностьтын ла транспорттын ижинен дьаантайын туура туруп, предпритиенин ижине контроль этпейт, фабрикттерде, заводтордо ло темир дьолдордо башчы иште улус-



тарды шиндеп кёрбей, олардын дъедикпестерин коскорбой дъат, ондый немеле бу дъедикпестерге божоду берип дъат.

Партиянын горкомдоры ла обкомдоры олардын кеп предприятиялери узак ёйгё терен юзюкте туруп тургандарына юренгилеп калгандар, база бу уятту немени дъоголтып саларга эрчимдю кюдююренгилебей дъадылар.

Партиянын горкомдоры ла обкомдоры анчадала союзный Наркоматтын колында турган предприятиялерди ле промышленный стройкаларды бу предприятиялерде ле стройкаларда керектердин аялгазы учун дъанысла наркоматтар карузына турар деп, дъастыра бодоп, оларды коомой кичееп турадылар.

Партиянын горкомдорынын ла обкомдорынын ижиндеги дъаан дъедикпестери, олар предприятиянин ижин чокымдап кёрбей, предприятиянин экономиязына юренбей, онын ордына дъаантайын калай шинжю эдип, юстинен кёргён решение чыгарып турганында болуп дъат.

ВКП(б)-нын Бастырасоюзный XVIII конференциязы, партиянын горкомдоры, обкомдоры, крайкомдоры, союзный республиктардын компартиязынын ЦК-зы Наркоматтарга коштой, городтордын, областьтын бастыра промышленный ла транспортный предприятиялеринин ижи учун кыялтазы дъоктон карузына кожо турар учурлу деп, бодоп туру. Шак онойып горкомдор, обкомдор, крайкомдор ло союзный республиктардын компартиязынын ЦК-зы предприятиялердин керектеринин аялгазын, олардын тапчы ведомственный кичемелдерин бодолгого албай, эн чындык предприятиянин бойында улаштырар, анылаар, онын ижинде дъедикпестер неде дъажынып турганын анылаар, база предприятиялерле наркоматтардын башчы ишмекчилерине болужарга аргазы бар болуп дъат.

### III.

#### **Промышленностьто ло транспортто парторганизациялардын хозяйственно-политический задачалары**

Промышленность ло транспорттын ижинде дъедикпестерди дъоголторго парторганизациялар хозяйственно-политический задачалар дъанынан кандый иштер ёткюрер учурлу?

1. Эн баштап, партийный организациялардын промышленность ло транспорт керегинде керексибей тургандарын эр-



мек дьоктон дьоголтор керек, база **парторганизациялардын адьаруларын промышленность ло транспорттын керектерине ле дьилбюлерине кичеемды саларына тюрген буруп** алар керек.

Парторганизациялар, промышленный предприятиелердин ле темир дьолдордын пароходтор ло порттордын керектерине кирижип, олоордын керексигендерин ле сурактарын дьартап, база хозяйственный организацияларга олоордын промышленностьты ла транспортты башкарында кюнюн сайын ёткюрүп турган ижине болужар учурлу.

Партийный организациялар бу ёйгё дьетири бойлорынын эн дьаан адьарузын дьуртхозяйство башкарына салып турган. Зерновой проблеманы бюдюрүп албаган тужунда, бу чын болгон. Дье эмди, качан зерновой проблеманы ла аш туюжюмин дьылдын сайын 7-8 миллиард пудтан алып турар задачаны бюдюрүп алган тужунда, **партийный организацияларды промышленность ло транспорт дьанына буруп алар керек.** Бу дьуртхозяйствого салар адьаруны уяндатканы эмес болуп дьат. Дье бу не дезде, партийный организациялар ол кирезинде ёскён, керек дезде олоор промышленностьты ла дьуртхозяйствоны туюней кемиле башкаргадый аргалулар.

2. Онон ары, предприятиелердин директорлорынын ижин шиндеп кёрёрине, **наркоматтардын решениелерин предприятиелер канайда бюдюрүп тургандарын шиндеерине** наркоматтарга ла главкаларга, партийный организациялар кыйыш дьоктон болужар керек.

Дьангысла наркоматтар предприятиелердин ижин шиндеп, наркоматтардын решениелерин бюдюрүгенин шиндеп чыдап болбойтонын, партийный организациялар, бойына дьартап билеп алар учурлу. Мынан улам партийный организациялар, наркоматтардын директивтерин предприятиелер бюдюрүп тургандарын шиндеер керекте, предприятиелердин директорлорынын ижин шиндеер керекте, наркоматтарга болужар учурлу.

3. Промышленный предприятиелер ле темир дьолдор **оборудованиенин дьюзюн-дьуюр бюдюлю дьёёжённин ле материалдардын** учедын чип-чике тургузуп алатаны, онон ары кыйыш дьоктон керектю.

Чын-чике учет дьогынан предприятиени ле темир дьолды башкарып болбозын, партийный организациялар билер учурлу. Кайда учет кереги коомой тургузылган предприятиенин ижи сакыбаган дьеткерле колбулу болзо магат дьок. Мындый предприятиелерде, башчылардан бойлорына сакыбаган



кенетийин болуп, материалдар, полуфабрикаттар, инструменттер, оборудование дьедикпес болгонунан улам производство юзюк кыйыш дьоктон болор. Оборудованиениинг ле материалдардын учедын коомой тургузып алганы директор предприятияниинг рессурсаларын чын-чике ле дьеткилинче тузаланып ла производственный ижи юзюк дьоктон дьеткилдеп турар аргазын дьок эдип дьат.

4. Онон ары кыйыш дьок керектюзи, бистин промышленный предприятиялерде, темир дьолдордо ло суу транспорттын организацияларында **оборудованиени дьеткилинче чике тузаланып, инструментти, сырьены, материалдарды, одыруны, электроэнергияны** хозяйственный чыгымдаары керек болуп дьат.

Качан предприятиялер ле темир дьолдордо ас эмес тоолу станоктор ло ёскё оборудованиелер тегин туруп, кезигинде складта дьадып, качан дефицитный квалифицированный оборудование, сложный производственный агрегаттар, дьаан станоктор учуры дьогынан дьеткил эмес нагрузкалу тузаланылып, сырьё, материалдар, одуру ла электроэнергияны аай-бажи дьок чыгымдап турган мындый каршулу практиканы сырагай дьоголтып салатан ёй дьеткенин, партийный организациялар, билип алар учурлу.

5. Онон ары промышленный предприятиялерде ле транспортто материальный **бастыра баалу дьёёжё корулананып дьакшы аялгазында тудулуп**, предприятиялердин руководители ологго бюджет берген государственный дьёёжёни: зданиелерди, оборудованиени, инструменттерди, материалдарды чеберлеерине тутак дьок дьединип алар керек.

Качан оборудование, сырьё, материалдар, инструменттер кёбизинде кайдала ташталып, юрелип, таттап, керекке дьарабас болуп, качан оборудованиелер, зданиелерди ле сооружениелер, темир дьолдордын подвижной составы бойынын ёйинде эмес, коомой качеству ремонттогону, оморды ёйинен озо коскорып, стройдон чыгарып салатан, албатынын дьёёжёзине килемди дьок ло хозяйственный эмес кылдыктарды тургузала дьоголтор керек.

6. Онон ары, кёп предприятиялерде ле темир дьолдордо демонтируемы ла артык деп адалып турган оборудованиени ле материалдарды садып туратан болуп тургузылган практиканы дьок эдер керек, ол социалистический собственностьты кородотон каршулу практикадан башка неде эмес болуп дьат.



Партийный организациялар— „Оборудованиени ле материалдарды садып, толужарын ла туура божодорын токторды керегинде ле бу законго дьарабас кылыктар учун суд алдында карузына турар керегинде“ 1941 дьылда, 10 февральдагы чыгарган СССР-дин Верховный Советинин Президиумынын Указын дьорюмде кату ёткюрери учун, шинжюди кыйыш дьоктон дьеткилдеер учурлу.

7. Онон ары, предприятиелерде ле темир дьолдордо **ару-чекти ле элементарный ээжини кюнюн кюнге тургузып** алары, кыйыш дьоктон керектю.

Парторганизациялар предприятиелерде ару-чекти ле ээжини тургузар задачаны, бир де эмеш удатпай бюдюрер учурлу. Ару-чек ле ээжи дьогынан, эмдиги предприятиелерде дьакшы иштеер аргазы да дьок. Заводто, фабрикте, темир дьолдо дьалдыр болорынын, дисциплина шалтыраарынын, шалбырдын, ээжи дьок болорынын кыйыш дьоктон болушчызы ла источниги кир-балкаш болуп дьат. Производстводо элементарный культура дьогынан, бистин промышленностьын ле транспорттын мынан арыгы кедьорюзин дьеткилдеп болбос.

8. Онон ары, **планы дьок иштеерин, продукциянын тюней эмес кемиле чыгарып турарын**, предприятиелердин ижинде штурмовщинуны кыйыш дьоктон **дьоголтып**, база кажыла завод, фабрика, шахта, темир дьол производственный программаларын ажыра дьазап алган графикле кюнюн сайын бюдюрюп турарына, дьединип алар керек.

Белен продукцияны тюней эмес кемиле чыгарып турганы, предприятиеинин ижинин режимин дьастыра тургузуп, оборудованиени ле иштеер кючти тегин тургузарына экелип, производственный кючти дьеткил тузаланып болбозына дьетирип, бракты кёлтёдип, сверхурочный иш учун чыгымду дьал телёйтёнине дьетирип турганын, партийный организациялар билер учурлу. Мындый чын эмес режим, предприятие калтыраак аялгада тудуп, оморды государственный планы бюдюрерин юзеринин дьаантайын коркудузы алдында тургузуп дьат.

9. Онон ары, бистин предприятиелерде **технологический процессте кату дисциплинаны** бюдюрерине дьединип, бастыра предприятиелерде технологический процесстин чокум инструкциязын тургузып, омордын бюдюп турганына шинжююди тургузуп, шак мынайда тургузылган стандартка дьеткилинче келишип тургадый **дьакшы качеству ла комплектный продукция чыгарарын дьеткилдеп** алар керек.



Бистин предпрятиелер дьесенип алган дыны чокум механизмдер, производство кату ээжини, технический правилалар ла инструкцияларды чокум бюджетерин некеп турганын, эмди эскидегидий кайсандап, дьок арайдан, кёскё бодоштырып иштеерге дьарабас болгонын партийный организациялар, предпрятиелердин, наркоматтардын ишчилери дьарт билип алар ёй дьеткен.

Партийный организациялар „Качествозы дьакшы эмес, эмезе комплектный эмес продукцияларды чыгарганы учун база промышленный предпрятиелер кыялтазы дьок стандарттарды бюджетерей турганы учун карузына турары керегинде“ 1940 дь. 10 июльде чыккан СССР Верховный Советинин Указын дьурюмде кату ёткюрерин дьеткилдеер учурлу.

10. Онон ары, дыны техниканын сурактарына дьаан адыару салып, **техниканы усовершенствовать эдерине, дыны машиналардын производствотоын, материалдарды ла изделияларды билип аларына** арныкпастан иштеерин кыйыш дьоктон керектю.

Парторганизациялар, промышленностьтын ла транспорттын ишчилер социалистический стройдын элбек аргаларын, технический шюултенин ёзюмине, техниканын дыны дьенюлерин производството тюрген ёткюрерин дьеткилинче тузаланар учурлу.

Предпрятиелердин кезик руководительдери дынынан дыны техникага куйрукталып турганын, сырамай оппортунистический кылыктарын дьоголтып салар керек, не дезе, андый консерватизм производствотонын онон арыгы ёзюмине аршамык эдип, предпрятиени артып ла тонгып турарына дьетирип, орооннын коруланар кючюн юзюп дьат.

11. Онон ары, **чыгарып турган продукциянын бойна турар баазын** дьаантайын дьабызадып, хозрасчетты неле аргазыла тыныдып, буудакту керектерди дьоголтор керек.

Предпрятиенин ижин чын-чике башкарар амаадузында, бойында турар баанын тёс элементтери аайынча изделиянын единицазына чыгып турган чынла чыгымды—тёлёёр дьалды, сырьенын, одырунын ла электроэнергиянын турар баазын, амортизационный начисленини, административно-управленческий чыгымдарды кыйыш дьоктон билип, предпрятиенин экономический дыанын, бойына турар баа ла кирелтелер аайынча пландар бюджет турарына ууландыар керек.

12. Онон ары, **дыал тёлёёринде дьакшы иштеп тургандарга материальный поощрениенин принципин кату ла**



**дьяантайын ёткюрюп**, ишмекчилерге дьалды сдельный системала тёлёёрин бюдюрюп турганы аайынча, башчы ишчилерге премиальный системала, квалифицированный эмес ишке кёрё, квалифицированный ишке дьяан дьал тёлёёри кыйыш дьоктон керектү.

Дьал тёлёёринде уравниловканын чирик практиказын кыйыш дьоктон учына дьети дьоголтып, иштин производительнозын кёдюрерине, онон улам бистин албаты-хозяйствозынын бастыра ёзюминде сдельщина ла премиальный система онон артык учурлу рычаг болорына дьединер керек.

13. Мынан ары, **прогулды торт дьоголтор керек.**

„Кюнде сегис частан иштеерине ле дьети кюндюктөп иштенер недеlege кёчёри керегинде, ишмекчилер ле служащийлер предприятияен ле учреждениеен бойынын табыла чыгарын токтодоры керегинде“ СССР Верховный Советтин Президиумынын 1940 дь. 26 июнде Указын дьюрюмде ёткюрени, предприятиелерге иш дисциплиназын дьарандырган. Дье ондый да болзо, прогулдар ла бойынын табыла чыгары кёп фабриктерде, заводтордо, рудниктерде, шахталарда, темир дьолдордо токтоголок.

Партийный организациялар, профсоюзтар, промышленностьтын ла транспорттын ишчилери, прогулдарла тартыжар задача, кыска ёйлю кампание эмес, массала кюнюн сайын иштеерин некеп туру деп, эске алып, промышленностьто, транспортто трудовой дисциплинаны тындыдарына арыныкпас ишти ёткюргилеер учурлулар.

14. Мынан ары **предприятиелерде единоначалиени сюрекей тындып, база предприятиеле директор колында** дьети башкарулу, предприятиеле аялга ла производстводо ээжи учун бастыра карууна турар башчы болор эдер керек.

15. Мынан ары **предприятиеле производствоны технический башкараын ончо дьяанынан тындыар керек.**

Центральный ла дьербойындагы хозяйственный учреждениелерде заводууправлениелердин, шахтоуправлениелердин аппараттарында иштеп турган инженерлердин ле техниктердин кезигин предприятиелерге, цехтерге, шахталарга, дьер алдында иштерге кёчюрер керек.

16. Предприятиелерде **мастердин ролин кёдюрер керек**, оны производствонун чике организаторы эдип, мастер производствонун ого берилген участогында технический дисциплинаны бюдюрери учун, производственный заданиени бастыра



кѣргюзюлерде бюджетери учун карууна турар бюджетил праволу башчызы болгодый эдер керек.

17. Вузтарды божодып турган дыйт специалисттер ончозы вузты божоткон кийининде предприятиеде производственный ченемел алынып, мастердин помощниги, цехтин мастери, инженери болуп кыялта дьок практический иштин стажын ёдѣр ээжи тургузар керек.

#### IV.

### Парторганизациялардын промышленностьо ло транспортто организационный задачалары

Промышленность ло транспорт ижинде дьедикпестерди дьоголторго, парторганизациялардын организационный задачалар дьанынан кандый мералар ёткюрер керек?

1. Наркоматтарга ла промышленностьын ла транспорттын предприятиелерине болушты тыныдарга амаадап, **промышленнозы тыныган городтордо, областьтарда ла республикаларда горкомдордын, обкомдордын, крайкомдордын союзный республикалардын компартияларынын Тѣс Комитетеринин промышленность дьанынан катчыларын бир эмес, городто, областьта, крайда ла республикада бар промышленностьын тѣс бѣлюктери аайынча бир канча тоолу эдер керек, база онойдо ок керек болгон дьерде темир дьол транспорт дьанынан катчылу, суу транспорт дьанынан катчылу эдер керек.**

Промышленность ло транспорт дьанынан катчылар предприятиелерде дьяантайын болуп, олардо кандый иш болуп турганын дьякшы билер учурлу, предприятиенин ишчилериле база ого келишкен ишти Наркоматтарла бойлоры колбуулу болор учурлу, оларго пландарды ла партиянын промышленность ло транспорт дьанынан решениелерин бюджетерине болужар учурлу, ол решениелерди бюджетеринин дьяантайын шиндеп, предприятиенин ижинде дьедикпестерди таап, ол дьедикпестерди дьоголторына дьедип турар учурлулар.

2. Партийный организациялар, **промышленный предприятияелердин ле темир дьолдордын хозяйственный ла инженерно-технический ишчилерин дьякшы билер учурлу.**

Заводтордо, фабрикттерде, темир дьолдордо башчы ишке эп-аргалу ла инициативалу ишчилерди, дьякшы организаторлорды, анчадала инженерлерди, бойынын керегин билер улусты ишке дьялтаныш дьок тургузар керек.



Партийный эместер ортодо, партияга кирбеген, партийный стажы дьок, дье кезик стажту коммунисттерден артык, акчек иштеп турган, эп-аргалу, акчек ишчилер кеп барын эске алып, ишке данысла партийныйлар эмес, дье партийный эмес те большевиктерди ёрёлёдил тургузар керек.

Партийный организациялар дьарабас, уян ишчилерди солуур керегинде, предприятияени, темир дьолды башкарар, производствоо ээжи тургузар аргазы, тидими дьок ишчилерди солуур керегинде суракты бойынын ёйинде тургузар учурлу. Калыруштарды, тирю керекке дьарабас улусты, олол партийный, эмезе партийный эмес болгонунан камаа дьоктон ижинен чыгарып, кичинек ишке тургузар керек.

3. Темир дьолдын ла суу транспорттын политотделдери территориальный партийный организациялардын юзюк болгонун дьоголтор керек. Политотделдер партиянын обкомдорына, горкомдорына подотчетный болор учурлу.

Партиянын обкомдоры ла горкомдоры, политотделдердин ижинде канцелярский эпле иштенерин дьоголтып, ололды транспорттын ижи учун тартыжып, транспортты кёдорери учун эркиндю туружар партиянын дьуучыл органдары эдер керек.

4. Предприятиелерде ле Наркоматтарда производственно-хозяйственный активтердин учурын ойто тургузар керек.

Дьябыстай ишчилердин, инженерлердин, стахановецтердин ченемелин эн дьякшы тузаланарга, критиканы ла самокритиканы элбедерге амаадап, активти наркоматта, главкада, дьолдо, заводто, шахтада уламла дьууп турар керек. Активтерди промышленностьтын дьюзюн-башка бёлюктеринде ишчилерди кожо туруштурып, база промышленностьтын ла транспорттын анылу бёлюктери аайынча дьуур керек.

5. Стахановский движениени ончо аргаларла тындыр керек, стахановецтердин инициативазын иштин производительнозын бийиктедерине, производствонун эн дьяан сурактарын бюдюрерине, производствонун сондогон участокторын ичкериледерине ууландырар керек.

6. Бир канча предприятиелерде партийный, профсоюзный, комсомольский ле ёскё дё общественный организациялар иш ёйдё дьуундар, заседаниелер, совещаниелер ёткюрюп, ол аайынча предприятиедэ ишти бузуп турар дьастыра практиканы дьоголтор керек.



Партийный, советский, профсоюзный, комсомольский ле ёскё дё общественный организацияларга мындыларды кыялта дьок токтоттырар:

а) предприятиелерде ле учреждениелерде **иш ёйдё дьундар**, заседаниелер, кандыйла бюджетю совещаниелер **ёткюрерин**;

б) ишмекчилерди ле служащийлерди **иш ёйдё алдыртарын**;

в) предприятиелердин ле учреждениелердин ишмекчилерин ле служащийлерин текущий кампания ёткюрерине, эмезе шефский ле ёскё керектерге командировкага **ийерин**;

г) предприятиелердин ле учреждениелердин ишмекчилерин ле служащийлерин общественный организациялардын дыкылталарыла шиндеер комиссияларда ла бригадаларда туржарына **иш ёйдё бойнын чике ижинен айрырын**.

**Предприятиелердин ле учреждениелердин ишмекчилери ле служащийлери общественный организациялардын дыкылтазын дыангсла иштен божогон ёйдё бюджетер эдип дыантайынга бирле тургузар керек.**

\* \* \*

Бистин промышленность албатынын бастыра хозяйствозын тыгыдар база болгон, болуп та дьат. Промышленность албаты-хозяйствонун бастыра системазында баштангы бажалык болгон, болуп та дьат. Промышленность бистин бастыра социалистический хозяйствоны, дьуртхозяйствоны ла транспортты кожо ичкеери апарып дьат. Промышленность орооннын коруланар кючининг базы болгон, болуп та дьат. Бу дьылгы международный аялгада бистин промышленностьын алдында, онын ончо бёлюктеринин алдында дыан карулу задачалар тургылап дьат. Ол сюрекей организованно канчала тын производительно иштеер учурлу. Бу ёйдёги дыаны технический тёзёлгёлю, дыангыртылган, бойнын бас, тыра дьюзюн промышленный сырьело дьеткилдеген, бистин промышленность чик-дьок дыакшы иштеп, ончо бёлюктерде продукцияны эмдигизинен чик-дьок кёп, бийик качеству берер аргалу да, учурлу да.

Хозяйственный ла партийный руководительдер керекти, 1941 дьылда бир де областта, бир де городто ло промышленный центрде сондогон бир де промышленность арпагадый эдип ёткюрер учурлу. Бистин промышленностьо ло транспортто сондогон предприятие дьок болор учурлу.



Планы бюджетери учун тартыжары, планы бюджетерин дьеткилдеери, план аайынча иштеери—онызы:

а) продукция эдер дьылдык, кварталный ла айлык план-дарды, бу ёйгё дьетири орто кемиле бюджетин туратаны аайынча эмес, план аайынча, эдилю продукция иштеерине ажиндыра тургузылган график аайынча, чокумду бюджетери;

б) планы, бу ёйгё дьетири промышленностьын бёлюгинде дьанысла орто кемиле бюджетин туратаны аайынча эмес, оны кажыла анылу предприятие бюджетери;

в) планы, бу ёйгё дьетири предприятие дьанысла орто кемиле бюджетин туратаны аайынча эмес, дье кюнюн сайын кажыла цехте, кажыла бригадада, кажыла станокто, кажыла сменада бюджетери;

г) планы дьанысла тоо дьанынан бюджетери эмес, дье кыялта дьок качество, комплект, ассортимент дьанынан, тургузылган стандартты буспай, планда тургузылган бойына турар баадан кыйдырбай бюджетери.

Бистин ороон экономический ле культурный строительстводо дьаан дьенюлерге дьединди. Дье бу дьенюлерле чимеркеп, амырзынарга дьарабас. Эң дьаан дьеткер—дьедингенинде болорзынып, найрап дьадаары. Онызы бистин керекке ёлюм дьетирер. Бисте эмди де дьаан дьедикпестер кёп. Промышленностьын ла транспорттын ижинде дьедикпестерге чьаданары сюрекей дьеткерлю де, каршулу да.

Бистин партийный организациялар ла промышленностьын ла транспорттын ончо башчы ишчилери промышленностьын ла транспорттын ижинде ончо дьедикпестерди турген дьоголторын большевистский алынып, бу дьанынан бойынын ижин тазылынан дьарандырып, XVIII-чи конференциянын решениезин бюджетерин тезёлгёлёнип, ишмекчилердин, служащийлердин, инженерлердин ле техниктердин бастыр-массадын бу решениелерди кюреелей мобилизовать эдип, дьуук ёйдё социалистический промышленностьо ло транспортто дьаан дьенюлерге дьединер деп, ВКП(б)-нын XVIII-чи Бастырасоюзный конференциязы иженип туру.



# 1940 ДЫЛДЫН ХОЗЯЙСТВЕННЫЙ ИТОГТОРЫ ЛА 1941 ДЫЛДА СССР-ДЕ АЛБАТЫ-ХОЗЯЙСТВОЗЫ ЁЗЁРИНИН ПЛАНЫ

*Нёк. Вознесенскийдин доклады аайынча ВКП(б)-нын XVIII-чи Бастырасоюзный конференциязынын дьараттан алган резолюциязы*

## I.

### 1940 дылдын итогторы

ВКП(б)-нын XVIII-чи съезди дьараткан ючинчи бешдыл-дыктын планында тургузылган задачаларды бюдюреринде СССР-дин албаты-хозяйствозы чик-дьок ичкерлегенин ВКП(б)-нын XVIII-чи Бастырасоюзный конференциязы тем-дектеп туру.

СССР-дин промышленнозынын продукциязы ючинчи беш-дылдыктын юч дьылынын туркунына 1937 дылдагы 95,5 миллиард салковойдон 1940 дылда 137,5 миллиард салков-ойго ёсти, эмезе 44 проц., ол тоодо машиностроениенин ле металл иштееринин продукциязы 76 проц. ёсти.

1940 дылда, дылдын баштапкызында дьуу да болгон болзо, СССР-дин промышленный продукциязы 1939 дыл-дагызына кёрё, 11 проц., эмезе 13,6 миллиард салковойго ёсти, ол тоодо машиностроениенин ле металл иштееринин продукциязы 19 проц. ёсти. Промышленный продукциязы-нын ёзюминин тебужи бастыра 1940 дылда ай сайын кептёгөн.

Производствонин средстволорын эдер производство 1940 дылда, 1939 дылга кёрё 13,8 проц., 1937 дылга кёрё 52 проц. ёсти. Потреблениенин средстволорын эдер производ-ство 1940 дылда, 1939 дылга кёрё 7 проц., 1937 дылга кёрё 33 проц. ёсти.

Кара металлургия 1940 дылдын экинчи дьарымында бойы-нын ижин иле дьарандырып, чойды суткада орто тооло кайылтарын 1937 дылдын учында 40 мун тонн ордына 1940 дылдын учында 46—47 мун тоннго дьетирди, болотты 50—51 мун тонн ордына, 58—59 мун тоннго.





Ёндю металлургия ижин база да дьарандырды. Алюминий кайылтары, 1937 дьылга кёрө, 1940 дьылда 59 проц., дьес кайылтары 65 проц., никель 280 проц., теленир 300 проц. ёсти.

Дье ондыйда болзо, металл эдеринде ёзюм ючинчи беш-дылдыкта планнын заданиезинен сондоп туру, СССР-дин албаты-хозяйствозынын ёзюмдю керексингенин дьеткилдебей туру.

СССР-дин кёмир промышленнозы, анчадала 1940 дьылдын экинчи дьарымында ёсти. Кёмюр иштеп аларынын дьыл туркунына ёзюми 13 проц. болды, эмезе 1939 дьылга кёрө 19 миллион тоннго дьуук ёскөн, 1940 дьылдын экинчи дьарымында нефтяной промышленность дьаранды, дьылдын учу дьаар суткада орто тооло иштеп алары 1937 дьылдагы 84—86 мун тонн ордына, 97—98 мун тоннго бийиктеди. Ондыйда болзо, нефтяной промышленность ючинчи бешдылдыктын заданиезинен сондоп турганы эмдеге дьетири дьоголбогон.

Предприятиелерде ле учреждениелерде трудовой дисциплинаны тыгыдарына ла иштеер ёйди узадарына ВКП(б) ЦК-ла СССР СНК-нын ёткюрген мероприятиелери трудтын производительнозын тындып, промышленность дьаны кёдюрюмге дьединерине бюдюрди. Андыйда болзо, промышленностьтын кезик бёлюктери иштин производительнозын кёдюрөр ле производствоны кёптёдөр аргаларды бастыра тузаланбадылар, анчадала агаш промышленнозы ла строительный материалдардын промышленнозы тузаланбады, олор 1940 дьылдагы планды кёп бюдюрбедилер, олор промышленностьто сондогон бёлюктер болуп дьадылар.

1940 дьылда темир дьолло неме тартары ёсти, 1939 дьылда миллиард тонно-километр болгон ордына, 1940 дьылда 409 миллиард тонно-километр болды. Суула неме тартары, 1937 дьылда 33 миллиард тонно-километр ле 1939 дьылда 34,6 миллиард тонно-километр ордына, 36 миллиард тонно-километрге ёсти. Дье темир дьол транспорттынын ижинде дьаан дьедикпстер бар: немелерди рационально эмес тартып, дьолдорды буултып турары болгончо, дьолдордын белтирлеринде ле дьолдордо неме ёткюреринин тапчы дьерлери дьоголтылбады.

Аштын, сахарный свекланын, подсолнухтын, картошканын ла овощтордын валовой продукциязы ёсти. СССР-де зерновой культуралардын продукциязы 1940 дьылда 7,3 миллиард пудка дьуук болды.



Колхозтордо малдын тоозы 1940 дьылда кѣптѣди—уй мал 12 процент, чочколор 15 процент, койлор 25 процент, эчкилер 34 процентке ѳскѣндѣр. Общественный колхозный мал ороондо бастыра малдын ортодо бойынын юлюзин турумду дьаанадып дьат.

СССР-де колкючиле дьаткандардын матеральный ла культурный кеми ѳзюп дьат. СССР-де ишмекчилердин ле служащийлердин дьалынын фонды, 1937 дьылда 82,2 миллиард салковой ордына, 1940 дьылда 123,7 миллиард салковойго ѳсти. Колхозтордын общественный кирелтелери ле колхозчылардын алдынан кирелтелери кѣптѣди.

Дьаны предприятиялер эдерине капиталный вложениин объемьы 1940 дьылда 38 миллиард салковойго дьуук болгон (ол тоодон 6 миллиард салковойго дьуугы централизованный эмес капиталовложение), а бастыразы ючинчи бешдьылдыктын юч дьыл туркунына дезе 108 миллиард салковой (ол тоодо 17,5 миллиард салковой централизованный эмес капиталовложение). Бу юч дьылдын туркунына государственнй промышленностьо фабриктер, заводтор, шахталар, электростанциялар ла ѳскѣ предприятиялер дьюстерле стройго кирдилер, онын шьылтуунда дьаны шахталарада кѣмюр иштееринде 51 миллион тонн кючтер кирди, электростанцияларда 2.400 мун киловаттка дьуук кючтер, 2.900 мун тонн чой иштеер кючтю сменный печкелер, хлопок ийер 1 миллионго дьуук ийиктер ишке тургузылды.

## II.

### 1941 дьылга хозяйственный план

ВКП(б)-нын Бастырасоюзный XVIII-чи конференциязы 1941 дьылдын эн дьаан хозяйственный задачазы промышленностьын ла бастыра албаты-хозяйствозынын тѣс бѣлюктеринин—металлургиянын, дьуртхозяйствонын, транспорттын—мынан ары ѳзюми деп бодоп дьат. Чойды, болотты, ѳндю металды, таш кѣмюрди, нефтьти мынан ары элбедеринин ѳзюми ле бастыра бюдююлю машиностроениелерди дьаантайын элбедип турары, анчадала кыйыш дьоктон керектю.

ВКП(б)-нын Бастырасоюзный XVIII-чи конференциязы, ВКП(б) ЦК ле СССР-дин СНК дьарадып алган 1941 дьылга СССР-дин албаты-хозяйствозынын ѳзюминин государственнй планын дьарадып, 1941 дьылда хозяйственный мындый



задачаларды бюдюрерине бастыра адьарузын ла кючтерин партийный, советский ле хозяйственный организациялар салзын деп дьакарып туру:

1. СССР-дин промышленностьорынын валовой продукциязын чыгарарын 162 ми лиард салковойго дьетирип, 1940 дьылдагызына кёрё 17—18 процент ёзюмдю эдип алар, ол тоодо производство средстволоры группазында чыгарар продукцияны 23,5 процентке, потребление предметтеринин группазы аайынча 9 процентке дьетирип алар.

2. Чойды кайылтып аларын 18 миллион тоннго, болот кайылтып аларын 22,4 миллион тонного, прокат иштеп аларын—15,8 миллион тоннго дьетирип алар.

3. Таш кёмюр казып аларын 191 миллион тонного, газту нефть иштеп аларын—38 миллион тоннго ло торфты—39 миллион тоннго дьетире иштеп аларын дьеткилдеп алар.

4. 1940 дьылдагызына кёрё машиностроениенин продукциязынын ёзюмин 26 проц. дьеткилдеп алар.

5. Электростанциялардын кючинин ёзюмин 1,75 миллион киловаттка дьеткилдеп алар.

6. Хлопчатобумажный промышленностьын кючинин ёзюмин иирер 850 мун ийиктерге кёдюер.

7. Зерновой культуранын валовой продукциязын 8 проц. кёптёдёр.

8. Темир дьолдордо орто тооло сутка туркунына погрузканы 103 мун вагондорго дьетирип алар. Суу транспортында груз тартары албаты-хозяйствозынын некелтезинен артып турганын дьок эдер.

9. Государственный ла кооперативный розничный товарооборотты 197 миллиард салковойго кёптёдёр.

10. Промышленностьо ло строительство иштин производительнозын 12 проц. кёдюер.

11. Промышленный продукциянын бойына турар базын 3,7 проц. дьабызадар база онын чодыла промышленностьо юзери накоплениени 7,3 миллиард салковойго дьетирер.

12. Социально-культурный мероприятияелерге бастыра чыгымды 48 миллиард салковойго дьетирип аларга баштамы ла орто школдордо юренип тургандардын тоозын 36,2 миллион кижиге дьетирер, дьаан юредюлю заведениелерде 657 мун кижиге дьетирер.

13. Капитальный вложениенин программазын 57 миллиард салковой бюдюрин алар (ол тоодо 9 миллиард салковой централизованный эмес капитальный вложение аайынча).



14. Материальный ла финансовый государственный резервтерди мынаг ары элбедерин дьеткилдеп алар.

\* \* \*

Бастыра партийный организациялар ишмекчи класста, колхозный крестьянстводо ло интеллигенция ортозында социалистический мёрёйди оног ары кендюктирип, СССР-де 1941 дьылда албаты-хозяйствоньг ёзюмининг планын артыгынча бюдюрерин дьеткилдеп алар деп, ВКП(б)-нын Бастырасоюзный XVIII-чи конференциязы кату ижемчизин айдып туру.

---



# ВКП(б) ТЭС ОРГАНДАРЫН ДЬАН'ЫРТАРЫ КЕРЕГИНДЕ

*Шююжер керектердин 3-чи пункты (организационный сурактар) аайынча резолюция*

ВКП(б) Бастырасоюзный XVIII-чи конференциязы, шююжер керектердин 3-чи пунктун „Организационный сурактарды“ кёрёлө, мындый решениени дьарадып алды:

## I.

1. ВКП(б) Уставынын 38 пунктна келиштире, ВКП(б) ЦК-нын члендеринин составтарынан ВКП(б) ЦК-нын члендеринин кыйбас эдер ижин бюдюрерин дьеткилдебей турган мындый нёкёрлёрди—Н. М. Анцеловичти, М. М. Литвиновты, И. А. Лихачевты, Ф. А. Миркуловты чыгарып салар, база И. А. Бенедиктовты ла Е. А. Щаденконы ВКП(б) ЦК члендеринин кандидадына кёчирер.

2. ВКП(б) ЦК члендеринин кандидаттарынан, ВКП(б) ЦК члендеринин кандидаттарынын карулу ижин бюдюрерин дьеткилдебеген керегинде мындый нёкёрлёрди—Д. И. Антоновты, Н. И. Бирюковты, Г. Д. Вейнбрэгти, П. С. Жемчужинаны, В. П. Журавлевты, Н. Г. Игнатовты, А. Б. Искандеровты, М. П. Ковалевты, Н. И. Невежинди, Г. С. Растегинди, А. И. Самохваловты, Н. В. Фекленконы, А. А. Фроловты, Ф. В. Шагимардановты, В. В. Ярцевты—чыгарып салар.

3. Тёс ревизионный комиссиянын составтарынан, тёс комиссиянын члендеринин карулу ижин бюдюрерин дьеткилдебеген мындый нёкёрлёрди—А. А. Андриенконы, А. А. Волковты, В. М. Денисенконы, М. Е. Квасовты, К. В. Киселевты, И. В. Муруговты, Г. П. Силкинди, С. Е. Скрынниковты, Я. А. Чубинди чыгарып салар.

4. ВКП(б) ЦК-нын составы ла ВКП(б) ЦК члендерин мындый нёкёрлёрлө толтырып ла тудуп алар: Г. М. Поповты, Н. С. Патоличевти, В. Г. Деканозовты, В. П. Пронинди, М. А. Сусловты, О. В. Куусиненди.



5. ВКП(б) ЦК членинин кандидаттарынын составын толтырар база ВКП(б) ЦК членинин кандидаттары эдип мындый нёкёрлёрди тудуп алар: Г. К. Жуковты, А. И. Запорожецти, И. В. Тюленевти, М. П. Кирпоносты, И. С. Юмешевты, И. И. Носинконы, А. Д. Крутиковты, Г. Н. Куприяновты, А. Ю. Снечкусты, Я. Э. Калнберзинди, К. Я. Сярэни, И. Р. Апанасенконы, М. И. Радионовты, И. А. Серовты, Г. Ф. Александровты, И. М. Майскийди, Я. Т. Червиченконы.


6. Тёс Ревизионный Комиссиянын составын толтырар база Тёс Ревизионный Комиссиянын членине мындый нёкёрлёрди тудуп алар: В. С. Молоковты, В. Ф. Трибуцты, И. Т. Пересыпкинди, М. А. Кудиновты, В. М. Бочковты, Ф. С. Октябрьскийди, Ф. И. Голиковты, Л. С. Гришукти, М. М. Поповты, А. С. Панюшкинди, И. Д. Папанинди, П. Г. Бородинди.

## II.

1. Авиационный промышленностьтын Наркомы болгон нёкёр М. М. Каганович коомой иштеген, ол бойынын дыаны ижинде тюзединбесе, партийный ла башкарунын дыакылтазын бюджетбесе, ВКП(б) члендеринин составынан чыгарып, башчы ижинен дьайладып салар деп, ого кезедю берер.

2. ВКП(б) ЦК членинин кандидады, Химический промышленностьтын Наркомы нёк. М. Ф. Денисовты; ВКП(б) ЦК членинин кандидады, боеприпастын Наркомы нёкёр И. П. Сергеевти; ревизионный комиссиянын члени, Морской Флоттын Наркомы нёкёр С. С. Дукельскийди, озор бойларынын ижин дьарандырып албаза, XVIII-чи партконференцияда озордын ижинин критиказынануруктор алы нбаза, ВКП(б) ЦК-нын ла ревизионный комиссиянын составынан чыгарып, озордын иштеп турган ижинен чыгарып салар деп, озорго кезедю берер.

3. Онойып ок суу флоттордын Наркомы нёкёр З. А. Шашковты, балык промыселдин Наркомы нёкёр А. А. Ишковты, электропромышленностьтын Наркомы нёкёр В. В. Богатыревты озор бойларынын наркоматтарында ишти дьарандырбаза, партиянын ла башкарунын заданиезин бюджетбесе, бу конференцияда озордын ижин критиковать эткенинен урукторды алынбаза, озорды албатынын комиссарлары болгон иштеринен чыгарып салар деп, кезедер.






Редактор перевода В. С. Кымчаков.

\*

Подписано к печати 4/V-41 г. АН-5527.  
Объем 1,5 п. л. 45 тыс. тип. знаков в 1 п. л.  
Авт. листов 3,17. Тираж 2000 экз. Заказ № 533.  
Цена 15 коп.

\*

г. Ойрот-Тура, типография из-ва „Кызыл Ойрот“,  
Ойротская, 63.





Баазы 15 акча  
Цена 15 коп.

23154

РЕЗОЛЮЦИИ  
XVIII Всесоюзной  
конференции ВКП(б)

Перевод с русского  
на ойротский язык.